

Արաս իման՝ Շողակաթի մօտ իմանլո
այգին կը նուիրէ Յակոբ կաթողիկոսին
(31): Իսկ կաթողիկոսը Սաղմոսավանքի
գիւղին մէջ այգի մը կը գնէ 14 թումանի,
և կը նուիրէ նոյն վանքին, Գաբրիէլ
վարդապետի առաջնորդութեան օրով (32):

1656ին Դաւրիժու կողմը, Դուխուր-
ղան գիւղին մէջ, հետզհետէ կ'ընդարձակէ
Աթոռապատկան այգին (33):

1662ին, Օշական գիւղին մէջ, Իփ-
րումենց Ասաքելի որդի՝ Պետրոսէն և Հե-
մինէն կը գնէ, հորսուկէս թումանի, վեց
ջրաղացներ (34):

1670ին Փարաքար գիւղին մէջ երկու
այգիներ կը գնէ, և ուրիշ այգի մըն ալ
իբրև բարեպաշտական նուէր կ'առնէ Պետ-
րոսի որդի՝ Ղարաբէնգէն: Իսկ 1678ին
Շուշաւեր գիւղին մէջ, Ջհանշիրի և Թահ-
մաղի որդիները մեծ այգի մը կը նուի-
րեն իրեն, թթենիի ծառերով (35):

Էջմիածնի կալուածներն այսպէս ըն-
դարձակելու ատեն, Յակոբ Զուղայեցի կը
ձեռնարկէ նաև ջրաբաշխական աշխատու-
թիւններու:

(31) Աճդ 155-156:

(32) Աճդ 177:

(33) Աճդ 185:

(34) Աճդ 187:

(35) Աճդ 179, 184: